



Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. III. Corollarium notatu dignum,

[urn:nbn:de:hbz:466:1-77342](#)

DE SCIENTIA CHRISTI ACQVISITA. 619

vocibus sensibilibus tanquam signis, intelligibilium conceptionum: sicut autem voces ab homine formatae, sunt signa intellectualis scientia ipsius; ita creature à Deo condite, sunt signa sapientiae ejus. Vnde dicitur Eccles. i. quod Deus effudit sapientiam super omnia opera sua. Sicut igitur dignus est doceri à Deo, quam ab homine, ita dignus est accipere scientiam per sensibiles creaturas, quam per hominis doctrinam. Addo quod, licet Christus hauriret species à rebus, non tamen propriè addiscebat ab illis, quia acquirendo species à rebus, ipse se dirigebat, & ordinabat species quas accipiebat, ut rectè observat Joannes à S. Thoma hīc disp. 11. art. 3. in solutione objectorum contra secundam difficultatem.

38. Ad septimum, concessio Antecedente, nego consequentiam, & paritatem, ob duplē rationē discriminis quæ inter scientias & virtutes morales reperitur, ut suprà disp. 12. art. 4. §. 2. declaravimus.

39. Ad ultimum, concessio Majoti, nego Minorem, ad cuius primam probationem dicendum quod non semper ex carentia propria operationis alius cuius potest, rectè deducitur eam esse frustra in suo subiecto, ut pater in instantiis adductis in argumento, sed ex carentia operationis pro statu & tempore quo debetur: in Adamo autem pro statu prime creationis in quo creatus est perfectus, tam secundūm animam, quam secundūm corpus, non erat debitum habendi hunc actum intellectus agentis quo crescit & perficitur intellectus in scientia, nimirum abstractionem specierum à phantasmatibus, unde licet tali operatione caruerit, non fuit in eo frustra intellectus agens. Quā etiam ratione in Beatis, qui non sunt in statu acquirendi scientiam, non est frustra intellectus agens, sicut neque augmentativa & nutritiva facultas, licet careant illis actibus quos hic habuerunt, & in illo statu non debentur.

Ad secundam probationem respondetur quod licet officium intellectus agentis non solum sit abstrahere species, sed illustrate principia; quia tamen abstractio specierum à phantasmatibus est prima & principalior ejus operatio, rectè insert D. S. Thomas, quod ille esset frustra in Christo, si eā careret, quamvis haberet aliam operationem secundariam: etenim potentia sicut & habitus ponuntur propter primariam & principalem operationem, ad quam per se primò ordinantur, quā deficiente, ponuntur fructus. Unde idem S. Doctor suprà quest. 7. art. 4. docet in anima Christi non fuisse virtutem spei, quia non posuit in illo habere actum ad quem per se primò ordinatur: nam à principio habuit beatitudinem animae, ad quam sperandam ponitur principaliter virtus spei.

§. III.

Corollarium notatu dignum.

40. Ex dictis colligitur, triplicem esse modum intelligendi in anima Christi, omnino diversum, triplici ejus scientia correspondente: nempe modum intelligendi per essentiam divinam gerentem vices speciei intelligibilis, qui competit scientiae beate: modum cognoscendi per species à Deo inditas, qui convenit scientiae infusae; & denique modum intelligendi per species à phantasmatibus abstractas, qui proprius est scientiae acquisitae. Primus intelligendi modus est divinus, cum Deo proprium sit, omnia

A per suam essentiam ut speciem intelligibilem cognoscere. Secundus, angelicus, cum Angeli non intelligant per species à rebus acceptas, sed immediate à Deo inditas. Tertius est humanus, idcirco enim anima rationalis unitur humano corpori, ut ex unione ad illud sortiatur modum intelligendi per species acquisitas, & per conversionem ad phantasmatata, ut docet S. Doctor i. parte quest. 89. art. 1.

Quarit D. Thomas hīc art. 4. utrum Christus aliquid accepit seu didicerit ab Angelis: Et responder negativè: quia (inquit) anima humana, utpote media inter substantias spirituales & res corporeas, duobus modis nata est perfici, scilicet vel per scientiam acquisitam acceptam ex rebus sensibilibus, vel per scientiam inditam seu imprestam ab agente superiori: At Christi anima neutram scientiam habuit dependenter ab Angelis; non quidem acquisitam, quia illam habuit per solum lumen intellectus agentis; neque inditam, quia hanc immediate accepit à Deo, sicut enim suprà communem modum creature, anima illa unita est Verbo in unitate personæ, ita supra communem modum hominum, immediatè ab ipso Verbo repleta est scientiæ & gratiæ: Ergo

Dices, Si Christus nihil didicit ab Angelis, quomodo intelligi & explicari debet id quod dicitur Luca 2: ipsum confortatum fuisse ab Angelo, instantे passione suā: Talis enim confortatio non videtur aliter fieri potuisse, quā proponendo ipsi rationes quæ dolorem ejus lenire possent, quod est Christum fuisse edoctum & illuminatum ab Angelo.

Respondeo ex D. Thomain 3. dist. 14. quest. 1. art. 3. quæstiunc. 6. ad 2. quod Christus non fuit confortatus ab Angelo, per instructionem, vel illuminationem, sed quasi per societatem & compassionem, eoque modo quo ex praesentia & colloquio amicorum & familiarium homo naturaliter confortatur in tristitia & afflictionibus: unde Psalmo 68. Propheta in persona Christi conqueritur, quod nullum inveniat amicum qui sibi condoleat & compatiat: *Et sustinui qui simul confortaretur, & non fuit; consolantem me quæsiōi, & non inveni.* Ipsa ergo similitas & societas Angelii compatiens, & eandem tristitiam ostendens, fuit genus quoddam confortationis & solatij.

Deinde, cum revera corpus Christi esset fatigatum & debilitatum, ac sanguine madens, Angelus confortavit ipsum, vel sanguinem ablueundo, vel aliquo sensibili modo fovoendo corpus, ut afferit Cajetanus hīc in commentario articuli 4. estque valde ratione consonum; nam licet Christus per seipsum hoc facere posset, ad ostendendam tamen veritatem carnis, voluit exteriori ministerio uti, sicut etiam à Matre nutriri, gestari, & involvi.

Addunt aliqui, Angelum confortasse Christum, proponendo ei rationes quibus mitigari posset ejus tristitia, cuiusmodi sunt illæ quæ habentur Isaiae 53. Si posuerit pro peccato animam suam, videbit semen longeum; & voluntas Domini in manu ejus dirigetur. Pro eo quod laboravit anima ejus, videbit & saturabitur &c. Non quod Christus has rationes ignoraret, aut illas per se considerare non posset, aut non consideraret; sed quia ita per rationem superiorēm illas considerabat, ut nullum inde solatium, in portionem inferiorē rem derivari permetteret, ut eleganter declarat D. Bernardus serm. 1. de S. Andrea.

Tom. IV.

III 1j